



olerkiak

Amazonska  
Kolumbijska  
mariaketa  
abdomino



Ibon Miñoa



Ibon Muñoa Arizemendiarreta eibartarra 2000. urteko Urriak 18 batez atxiotu zigun espainiar poliziak. Orduandik estatu espainiarreko haibat espetxe ezagutu ditu, dispersio politika krudela dela medio. Valdemoro, Cordoba, Burgos, Langraitz... Azkenengo bost urteetan Puerto I-eko espetxean daukate, Eibartik 990 kilometrotara.

Urte guzti hauetan, Euskal Preso Politikoen Kolektiboko beste kideekin batera hainbat ekiemenetan parte hartuz zein bere egunerokotasunean espetxe politikaren aurrean borrokan aritu izan da jo-ta-su. Tarteka-tarteka bere olerkiak idatzi eta helduarazteko aukerak aprobetxatu ditu.

Liburuxka honetan bere olerki batzuk biltzen dira, bere sormenaren adibide.

*ixak etxera! Preso ta iheslarixak etxera! Preso ta ihesla*

Amaren argazkiak  
laztanten ditudanean  
haurtzaroko inguruak  
oroimeneko mihisean  
marraztuta dakuskit.  
Arrajola eta Kurutzekua  
zurekin ezagutu genituen  
“Haize ona osasunarentzat”  
zenioen.  
Umeek dakiten eran  
kerizpea atzetik  
bizipoza aurretik  
aldapan gora  
hasten ginen.  
Goitik genekusan  
Eibarren bazirela  
txoko gurariak.  
Garai ilusiogarriak  
atzean geratu ziren,  
autopistak Kurutzekua  
galdu zuen  
ohituren aldaketak  
baztertu Arrajola.  
Ziegako bakardadean  
zure akorduan  
dihardudanean  
orduko zirrara  
berpizten zait

Urkiolak agurtu nau  
Anbotok lagundu  
gure sukaldean  
betiko usain abegikorra.  
Aitta laztan bat  
amatxo bi zirri  
malkorik gabe  
baina hunkituta,  
maitasun dizdiraz  
jantzi dira begiak  
aspaldiko ilusioa  
eztitasunez mamitu da  
Agurtzerakoan  
atseginez entzun ditugu  
atariko lagunak mezuak  
samurki, liluraz  
elkar besarkatu dugu  
gauero bezala  
urrutiko ziegan  
ametsen txokoan.

*Valentzia III espetxetik aitararen enterrutik bueltan.*

Espetxetik  
ekarri ninduten  
txikitan  
orutzen zenidan  
bezain samur  
hartu ninduzun  
eskua,  
begiak  
ireki zenituen  
brehala batzeko,  
ez ninduzun  
ezagutu.  
zorionez  
atseginez  
onartu zenizkidan  
ferekak eta laztanak,  
umoretsu  
irrifartxo bat  
marraztu zenuen.  
Zure larrua  
leunki ukituz  
gogora zetozkidan  
Elgetako esnezaleen  
kamioian  
sartuta zegoen  
haurra,  
ezkontzako egunean  
hain alaitsu  
sentitu zen  
gizona,  
laguntzeko  
beti prest  
egon den aitxa.  
Amaren  
urtebetetze egunean  
Giza eskubideen datan hil zara.

Hiletan  
guztiz hunkituta  
zure gorpuazetzan  
aldera  
begiratu dudanean,  
gure baitan  
ezti-ezti  
goxo-goxo  
amakin zaudela  
jakin izan dut.

I

Etikaren  
 deiadar ozenak  
 inguratzen  
 nauanean,  
 buruan ongia  
 besterik ez zuen  
 mutiko hura  
 datorkit gogora.  
 Ume bihozbera  
 pozik  
 bizi zen  
 jolas eta irri  
 lore eta zirri,  
 bere amets  
 gozoen erdian.  
 Gerora  
 gizartearen ondoeza,  
 egitatearen  
 gordintasuna  
 ezagutu baitzuen,  
 gose eta gerra  
 diru eta herra,  
 jauntxo berekoien  
 jardun makurra.  
 Isur litezken  
 malko lazgarrienak  
 zerizkiola  
 oheratu baitzen.  
 Ispiluaren  
 aurrean  
 aspaldiko mutikoa  
 dakusadanean  
 utopiaren beharra  
 sentitzen dut,

Mundu hau  
 izan dadin  
 elkartasunaren etxea  
 biharko irrien aterpea.

II

Zurekin  
pozik igaroko dut  
gaurko bazkalostea  
hizketan,  
kafe bat  
edango dugu  
atsegin zaizun  
tabernan.


Maite nauzulako  
izan dut  
Euskal Herrira  
etortzeko zoria,  
horretarako  
zirrikiturik  
errez aurkitzen du  
irudimen joriak.  
Ohiko zirrarak  
inguratu nau  
jaso dudanean  
kartazal bortxatua.  
Une magiko hori  
ederrago izaten baita  
berba ilusiogarriak  
eguzkitara irakurriz,  
goxo-goxo,  
gutunari darion  
elkartasun usaina  
arnastuz.  
Bolaluma hartu dut,  
alaitasunez bete da  
ziega,  
irrifarrez jantzi  
mahaitxoak,  
atzean uzteko  
barra-handi gorriak,  
hormatzar grisak.  
Kaixo idatzi dut  
adeitasunez,  
eta kafearen lurruna  
ezabatzerakoan  
mirespenez  
agurtuko zaitut.

III

Arnasa hartu duzu  
eten dizute  
zilborrestea,  
amaren besoetan  
bizi zara  
espetxean.  
Hego-haizeak  
esan digu  
kontu-kontari,  
ilbeteak  
lagundu ziola  
erditzen amari,  
negarrez  
ireki zenizkiola  
begiak munduari  
bular guriak  
zenituela  
gogoz edoski.  
Amatxok kantuz  
alaitzen zaitu  
ziegako bakardadean,  
loa zaindu  
artizarraren  
babespean.  
Zure ondoan  
aberria gertuago  
sentitzen baitu,  
gero desiragarri  
dakusa  
katerik gabe lau,  
zirri, laztan,  
algara artean  
liluratuta daukazu.

Seaskan zaude  
guri begira  
barretsuak irudikatuz  
hunkitu gara,  
biharko askatasunaren  
atari baitzara  
zure jaiotzakín  
biziberritu baikara.





## ENKARTELADAN ELKARTZEN DIRENENTZAT

Txaltxa-Zelai aldera  
Begira  
hamarnaka asmo eder  
zutik Untzagan.  
Amets askatzaileen  
habia  
maitasunaren adierazpen  
argia  
elkartasunaren islada  
garbia.  
Gure bizipoza zarete  
gozotasunez  
zuen esku samurretan  
batzen garenean  
Amnistiaren lerroan.



Eta baserriko gela hartan  
 desira aitortu gabea  
 grinatsu askatu zen  
 Egunsentian  
 maitasunaren jantziekin  
 dotoretu baitzen  
 Gure bizitzak  
 zoragarri uztartu ziren.  
 Milaka egun  
 hamaika ilbete  
 bizipen, aldarte, ezuste  
 igaro dira gurean.  
 Eta espetxeko gela hauetan  
 aldiro loratzen da  
 gure grina ederra  
 maitasunaren jantziekin  
 mardul darrai  
 sagar lurrinez onduta.

Etorri zara  
ezinbestean  
gero joateko,  
begi ederrak  
irrifar polita,  
hitz atseginak,  
hemen geratuko dira.  
Joan zara,  
Etsipenez  
Utzi nauzu,  
Samurtasunak  
Bidaiaren nekea  
Arintzen duela  
Sentituko duzu.  
Etorriko zara,  
laztanak atzamarretan  
batu direla,  
iluntzean pozez  
oroituko dut.  
Joango zara  
Eta itzuliko  
behin eta berriz,  
inongo ez den  
porlanezko eremura,  
maitasun zipriztinez  
bustitzen den  
mintzalekura  
elkartasuna  
lausotu ezin duen  
kristal sendoaren  
aurrera,  
berrogei minutotan  
ilusioak konpartitzeko,  
bi mila kilometrotan  
gurekin amets egiteko  
“Euskal presoak Euskal Herrira”.

Haitzak erauzi  
 patrikak loditzeko  
 mendien hezurdurak  
 birrindu  
 haranak bortizki  
 urratzeko.  
 Zuen mundua  
 gure Mundua da (ere)  
 baina zuen handinahiak  
 gure izadia  
 suntsitzen du,  
 bizitza baldintzatu.  
 Gure Euskal Herria  
 galzorian dago  
 baina udaberriko liliek  
 kolorez, auzolanean  
 porlanaren erreinua  
 lurpetuko dute.

## *MENTXU JOKINEN AMARI ZUZENDUA*

Bihotzean goxo-goxo  
sentitzen zaituztet,  
euskaraz dagidanean  
taupadaka diharduzue  
eguneroko jardunen  
ardatza baitzarete.  
Zuen irrifarrea  
maite nuelako  
gozatuz segitzen duzue  
mendien lurrinaz  
itsasoaren kresalaz  
erreken gurguriaz  
askatasunaren egunean  
zuentzat ospakizunen ohorea.  
Gure bihotzetan aterpetuta zaudeten  
etxeakoak, aspaldiko adiskideak  
ilunabarrean  
zuekin elkartuko gara  
Ama-Lurraren zelaietan  
maite gaituztenen  
bihotz samurretan

Mundua gure aberria  
 Izango balitz  
 etorkinik ez legoke  
 Izadia gu garela  
 onartuko bagenu  
 hondakinik ez legoke  
 Kultur aniztasuna  
 bultzatuko bagenu  
 jatorragoak izango ginateke  
 Euskara  
 erabiliko bagenu  
 euskaldunak izango ginateke  
 Herrien arteko elkartasuna  
 indartuko bagenu  
 aberatsak izango ginateke  
 Giza eskubideak  
 ezarriko bagenitu  
 zoriontsuak izango ginateke  
 Baldintzak jokatuz  
 Mundua maitatuz  
 Euskal Herria maitatuko dugu



Zure hutsunea  
betetzeko ahalegina  
egingo banu  
alai samar  
biziko nintzateke  
burua eroso  
sentituko nuke  
baina bihotzak  
ez luke ulertuko.  
Zure melankoliaz  
craikitzen ditut  
egunak  
iraganeko kontuetan  
orduak irabazi  
zure hutsunea  
zurekin bete dezaket  
bakarrik maitea

Lorategian  
ikusi ditut  
gure kutunen  
argazkiak,  
usain gozoko  
krabelin gorriekin  
betargien edergarri,  
ikurrina eta sua  
gorazarre.  
Ilusioaren  
islada baitira  
beren aurpegi  
lasaiak,  
etorkizun  
oparo baten  
iragarleak.  
Dena eman  
zioten  
denok  
maite dugun  
askatasunari,  
eskubideen  
demokrazia  
eraikitzeko  
ardurei,  
gaztaroa eskaini.  
Horretan dihardugu  
egunero  
euren oroimena  
omenduz.  
Gudari Egunekeo  
hitzorduan,  
ohorezko aurreskuaren  
unean  
Euskal Herria  
dakusat  
zuen begirada  
garbian.

Oskarbi jaio da  
gaurkoan eguna.  
Ibarkurutzeko iturria  
eguzkitara zoragarri  
deritzo,  
aurreko espaloian  
panfletoak banatzen  
diharduen gazteari.  
Gustora freskatuko lituzke  
masail gorriak  
zorrotada ederretan,  
baina, Arraguetatik  
datozen herritarrek  
idazkiaren mezuaz  
jabetzea merezi dute.  
Ibarkurutzeko altxorak  
Gaitasunik edukiko balu  
orriaren edukia  
irakurriko luke ere  
gatazkaren konponketa  
demokratikoakin  
amesten baitu.  
Ur gardenaren gurguria  
dantzu gazteak  
“eman hitza herriari”  
isuri du  
entzun nahi duenentzat  
“zazpiak bat”  
Euskal Herria  
maite duenentzat,  
liluraren liluraz  
iturria besarkatu du  
Estazio kalean  
sartu aurretik.

Zerumugak belzturaren  
 agerpena iragarri zuen  
 armekin hedatu zuten  
 erregeen zaldunak  
 indoeuropear ideologia.  
 Eskubide bihozgabea  
 Jaingoiko handiusteak  
 eman omen zien.  
 Aintzinako berdinaletasuna  
 gizarte hierarkizatuak  
 azpiratu baitzuen  
 militarren basakeriak  
 bizipoza.  
 Herri xaloen aberastasuna  
 zentzugabeki ustiatzeko  
 kulturak eta hizkuntzak  
 ezabatzeko  
 asmatu baitzituzten  
 Konkista eta Inperio hitzak  
 samalda gaiztoen  
 oinordekoek  
 “Terroristak, gudazaleak”  
 iraintzen dizkiete  
 gatazka demokratizatu  
 nahi dutenei.  
 Indarkeriaren dasta mingotsa  
 atsegin baitzaie.  
 Bortizkeri estrukturalak  
 bermatzen duen  
 status quo gotorra  
 gabezien zabortegian  
 datzan egunean  
 auzolanaren kolorea  
 zabalduko da berriro  
 zital haiek belztu zuten  
 euskaldunen zerumugan.

Ikasturtea hastear da  
Esan dute irratian,  
abuztu utzita atzean  
sartu gara iralean,  
berehala hedatuko dira  
haurren algarak eskolan  
goiztiarren urratsak kalean  
bozinak errepidean,  
eguneroko jardunen hotsa  
pizten ari da herrian.

Politiko profesionalak  
Ederki zeuden hondartzan,  
ahaztuta ohiko batzarrak  
botata etzaulkietan,  
bulegoetan zain baitituzte  
besaulkiak kerizpean,  
badatoz patxadaz irrifartsu  
larrua dute beltzaran,  
joan zirenean bezain garratza  
dirau gatazkak geurean.

Gatazkak azken hamarkadetan  
ez du atsedenik hartu,  
ongi daki hori,espetxeak  
zigortu duena estu,  
jaio ginenetik ez baitugu  
inoizhemen ezagutu  
lasai itzuli oporretatik  
askatasunaz gozatu,  
etengabeko ikastutea  
ez da oraindik bukatu.

Ikasturtea polit hasi da  
bakean Euskal Herrian,  
hiriburua ezarri dugu  
Iruña zaharrean,  
euskaraz edonon dantzut pozik  
goizeko osteratxoan  
ametsetan bizi izan baitut  
goxo ziegako ohean,  
espetxerik gabeko irailak  
behar ditugu geroan.

Kide bat jipoitu dutelako  
gosez nago espetxean,  
gertuko bidegabekeriak  
jartzen zaitu ekinean.  
Giharrak erabat motelduta  
Jateko grina gogoan,  
bizipoza urrituz joan baitzait  
pisua galdutakoan,  
gabezia zer den ikasi dut  
baraua egiterakoan.

Afrikako larrainak, labore  
Bakarrez erein ditugu,  
Asiako ganbara oparoak  
berekoitasunez hustu,  
Amerikako oiha hezeak  
gupidagabe suntsitu.


Elikatzen ez diren herriak,  
zerbait jan dute helburu,  
beren borroka bakarra baita  
sabela ongi asetu.

Jakitun bait naiz sasoia laister  
eskuratuko dudala,  
ugari dago  
jan ezinik dabilana,  
jaiotzatik gosearen mende  
uzkurtuta bizi dena,  
gure munduak murriztu die  
tak, bizi-itxaropena,  
kontutan eduki barik Ama  
denon kabia dela.

Zentzuz kontsumituko bagenu  
Argi leudeke buruak  
Bihotzak eskertuko liguke  
Jango luke gosetiak  
, kemenez galdeko lizkiok  
handi-mandiari lurak  
,iruzurrez, bortxaz, mendeetan  
bildutako ondasunak.

**Elika dezagun kontzientzia  
iraun dezan utopiak**





eibarko amnistiaren aldeko mugimendua